


B Gleiches weys wie ich den Cubus in ein abgestolen gemel gebracht hab/also mag man alle corpora die man in grund legen vnd außsiben kan/ durch soliche weg in ein gemel ptingen.

Wenn du in einem abgestolnen planen ein puncten finden wilt/der dir in eynrer rechten stierung fürgeben wirdet/dem must also than/ Setz ein rechte stierung .a. b. c. d. also das .a. b. oben zwerchs sey darnach setz die abgestolne stierung .a. b. g. f. oben an die ander/ vñ das aug darzu sey .o. dann setz in die rechte stierung einen puncten .e. wo du hin wilt /darnach reiß in die stierung ein ortstrich .a. c. also reiß auch ein gleichmefigen diameter .b. f. in die abgestolne stierung /darnach reiß aus dem gegebenen puncten .e. eyn parallel lini gegen oder mit der seitten der stierung bis an die zwerchen .a. b. dahin setz ein .h. von dann reiß durch die abgestolne stierung ein gerade lini gegen dem aug .o. bis an die zwerchen .f. g. da setz ein .m. darnach reiß in der rechten stierung/ ein gerade parallelini aus dem puncten .e. bis an den diameter .a. c. da hin setz ein .i. von dann far mit einer aufrechten parlini bis an die zwerchen .a. b. da hin setz ein .k. von dann reiß zu der abgestolnen stierung gerad gegen dem aug .o. bis an den ortstrich .f. b. da hin setz ein .l. von dann far parallel ob .a. b. zwerchs an die lini .h. m. da hin setz ein .n. Dis ist der gefunden puncte. in der abgestolnen stierung. vnd stet gleich messig in seinem teyl. wie der puncte .e. in der vnderen rechten stierung/ Dife figur hab ich nachfolget also auf gerissen.

Vnd zu gleycher weys ist ein yetlicher für gegebenner puncte in einem cubo zu finden. So man den cubum for mit zweyen planen. durch den für gegebennen puncten. aufrecht vnd zwerchs zerschneydet. dife zwen schnit geben im aufreissen zwo linien so du aber den Cubum in das abgestolne bringest so findet sich der puncte im zwerchen schnit. durch die weys wie oben angezeygt ist.



W Nun wilt ich leren was man sieht wie man das mag durchzeychen. Als du durch zeychen was du for dir siehest/so rüst for einen geschickten zeug darzu/nemlich also Faß ein reyn flach glas in ein gefierte ram/darnach mach ein pret so preyt als die ram ist/aber lenger/vnd beschlag die glas ram mit zweyen panden/vnd nagel bede pand auf der andern seitten der gelenck innen an das pret/also das die ram vnd das pret darait auf vnd zu mäg than werden wie ein pret spil/auf das man das glas auf das pret so man will nider mäg legen zu behaltē. Darnach schlag auf beden seitten mitten in das pret zwey klöblein mit eynen stenglen die sich gelencken lassen/vnd mach die so lang das sie die ram des glases in der mitt erreichen/so du die von dem pret zu gleychen winkelen auf hebest/vnd mach fornē die stenglen flach vñnd ein loch dardurch/vñ schlag ein hecklen darhinder d̄s omb gee/darnach schlag in die glas ram zu beden seitten da die flech der stenglein hin reichen zwey klöblein/so du dann die stenglein daran legst vnd die hecklein für thust so stet die ram fest/darnach mach ein gefiert oberlengz holz lenger dann das pret preyt ist/ das nim auf einer seitten auß so preyt das pret ist / vnd das das gefiert holz zu peden seitten mit seiner genge für das pret gehe/vnd zwing difs holz also in dem außgenumen zwerchs auf das pret/ auf das man es hin vñnd wider gegen dem glas vñnd daron schiben mäg/ difs vierecket holz so auf dem pret ligt nym in der mitt oben nach lengs vierecket hol auß/ aber durch die orter por zwey runde löcher / dardurch stoß eyn lange schrauben/ aber dife schrauben soll in den runden löchern nit geschraufte sein/allein darzwischen/ Nun mach ein ander holz der halben ram hoch/ das zepf vñden gerecht in die gefierten mit des zwerchholz/ vnd das der vberschuß zu beden seitten an dem aufrechten holz auf dem zwerchen plat auflige/ auff das/ das aufrechte holz winkelrecht hin vñnd her zwerchs geschoben mäg werden/vnd por vñden in das eyn zepf aufrechte holz eyn rund löch/vñnd mach darein ein schrauben müterlein/in welches die vorgemelt lāg schrauben gerecht sey/darnach steck die schrauben mit dem forderen teyl auf eynrer seitten des zwerchholz zu dem runden loch hinein/vnd schrauf sie durch das müterlein des aufrechten holz pis wider zu dem andern loch hinauf/ also magst du mit difer schrauben d̄s aufrechte holz gewiß hin vñnd her zihen auf welche seitten du wilt/ Darnach por mitten durch das aufrechte holz nach lengs ein rund loch/vnd schneid das holz auf einer seitten ein